

**MEĐUNARODNI KRIVIČNI SUD
ZA BIVŠU JUGOSLAVIJU**

TUŽILAC SUDA

PROTIV

FURUNDŽIJA ANTE

OPTUŽNICA

Richard J. Goldstone, tužilac Međunarodnog krivičnog suda za bivšu Jugoslaviju, u skladu s ovlaštenjem iz člana 18 Statuta Međunarodnog krivičnog suda za bivšu Jugoslaviju (Statut Suda) navodi:

1. Na dan 6. marta 1992. Republika Bosna i Hercegovina (BiH) objavila je svoju nezavisnost.
2. Najkasnije od 3. jula 1992. Hrvatska zajednica Herceg-Bosna (HZ HB) smatrala se nezavisnom političkom cjelinom unutar Republike Bosne i Hercegovine.
3. Najkasnije od 3. januara 1993. i najmanje do oktobra 1993, oružane snage HZ-HB, poznate kao Hrvatsko vijeće odbrane (HVO), bile su u oružanom sukobu s oružanim snagama vlade Republike Bosne i Hercegovine.
4. Od početka neprijateljstava u januaru 1993, HVO je sistematski napadao sela nastanjena uglavnom bosanskim Muslimanima u dolini rijeke Lašve u srednjem dijelu Bosne i Hercegovine. Rezultat tih napada bili su brojni mrtvi i ranjeni civili.
5. Pored toga, civili su zarobljavani, odvoženi iz svojih mjesta stanovanja, tjerani na prisilni fizički rad, mučeni su, te seksualno, fizički i mentalno zlostavljani. HVO je uhapsio na stotine bosanskih Muslimana civila i odveo ih na mjesta kao što su kino dvorana i veterinarska stanica u Vitezu, koja su korištena za pritvaranje.

OPTUŽENI

6. ANTO FURUNDŽIJA rođen je 8. jula 1969. u Travniku, a sada živi u Dubravici, općina Vitez. Za vrijeme rata bio je zapovjednik "Džokera", a djelovao je iz svog štaba ("Bungalov") u Vitezu.

OPĆE POSTAVKE OPTUŽNICE

7. Stanje međunarodnog oružanog sukoba i djelomične okupacije trajalo je u Republici Bosni i Hercegovini na teritoriji bivše Jugoslavije sve vrijeme na koje se odnosi ova optužnica.
8. Sva djela ili propusti koji su ovdje izneseni kao teške povrede Ženevskih konvencija iz 1949. (teške povrede) i koji su navedeni u članu 2 Statuta Suda, dogodili su se za vrijeme tog oružanog sukoba i djelomične okupacije.
9. Sve vrijeme na koje se odnosi ova optužnica, žrtve navedene u optužnici bile su osobe zaštićene Ženevskim konvencijama iz 1949.
10. Sve vrijeme na koje se odnosi ova optužnica, optuženi su bili dužni pridržavati se svih zakona ili običaja koji uređuju vođenje rata.
11. Svaki od optuženih pojedinačno je odgovoran za zločine za koje se tereti ovom optužnicom prema članu 7(1) Statuta Suda. Pojedinačna krivična odgovornost obuhvata izvršavanje, planiranje, podsticanje, naređivanje i pomaganje na neki drugi način u planiranju, pripremi ili izvršenju zločina navedenih u članovima 2 do 5 Statuta Suda.
12. Opće postavke optužnice sadržane u paragrafima 12 do 16 ponovo su navedene i sadržane u svakoj od niže navedenih optužbi.

OPTUŽBE

TAČKE 1-11 (REDIGIVANO)

TAČKE 1-3

(MUČENJE/SILOVANJE)

13. Negdje oko 15. maja 1993, u štabu "Džokera" u Nadiocima, "bungalov", AF, LOKALNI KOMANDANT džokera, i kooptuženi ispitivali su svjedoka A.. Dok ju je F. ispitivao, (redigovano) prelazio je nožem po butinima i stomaku

svjedoka A te pretio da će joj staviti nož u vaginu ukoliko ne mu ne kaže istinu.

14. Zatim su svjedok A i žrtva B, bosanski Hrvat koji je ranije pomogao porodici svjedoka A, odvedeni u drugu prostoriju u bungalovu. Žrtva B je pre toga teško pretučena. Dok je F. nastavio ispitivati svjedoka A i žrtvu B (redigovano) je tukao svjedoka A i žrtvu B pendrekom po stopalima. Zatim je (redigovano) naterao A na oralni seks i vaginalni polni odnos sa njim. F. je bio prisutan tokom čitavog incidenta i nije ništa učinio kako bi sprečio ili suzbio (redigovano) ponašanje.

Gore navedenim delima i propustima (redigovano) Anto FURUNDZIJA je počinio sledeća krivična djela:

TAČKA 1: TEŠKA POVREDA (nezakonito zatvaranje civila), prema članu 2 (g) Statuta Suda; i

TAČKA 2: KRŠENJE RATNIH ZAKONA ILI OBIČAJA (mučenje) prema članu 3 Statuta Suda.

TAČKA 3: KRŠENJE RATNIH ZAKONA ILI OBIČAJA (povreda ličnog dostojanstva) prema članu 3 Statuta Suda.

2. novembar 1995.
Hag, Nizozemska

Richard Goldstone
Tužilac